

INUIT ATAQATIGIIT

INATSISARTUNI



2. november 2013

Inatsisartut Suleriaasianni § 37 naapertorlugu matumuuna imaattunik Naalackersuisu-nut apeqquteqarpunga:

Matumuuna Naalackersuisunut apeqqutigissavara, meeqqat atuarfiat pillugu inatsisip qanoq malitsinneqarnerisooq qanorlu nakkutigineqarnerisooq.

- 1. Inatsit pitsaasooq naleqquttumik aningaasalersorneqarpa?**
- 2. Tamakkiisumik atuutsinneqarpa?**
- 3. Kommunini qanoq akuuffigineqartigaa?**
- 4. Naalackersuinikkut inatsit tamakkiisumik malitsinneqarnera qanoq malinnaaffigineqartigaa?**

(Inatsisartunut ilaasortaq Hans Aronsen, Inuit Ataqatigiit)

Tunnngavilersuut:

2012-mi atuarfitsialaap peqqussutaa, atuarfik pillugu inatsimmut akuerineqarluni nuunneqarpoq. Tassanilu ilaatigut apeqquteqarninni immikkut inneersuullugit § 1 aamma § 3, imm. 1 aamma 2. aammalu § 37, imm. 1 aamma 2.

Inatsimmik tassannga atuisut ilaatigut inatsit pitsassuarmik nalilertarpaat taamaattorli tamakkiisumik atuutinneqarnera ajornartorsiutaanerartarlugu. Uangalu aamma tamanna pitsaasumik naliliinertut isigaara, inatsimmimi atuartup avatangiisaasa tamarmik akuunissaminnut periarfissaqartinneqarput, atuartullu inuttut pisinnaatitaaffeqarlutit illersorneqarnera aamma akuulluni.

Sulisut illersorneqarput pisinnaatitaaffilersorneqarlutillu, angajoqqaat meeqqamillu peror-saasut pitsaalluinnartumik akuunissamut periarfissaqartinneqarput, Kommunit naalackersuisullu nakkutiginninnittut akuutinneqarluarput.

Apeqqutit akeqquneqarput allakkap tiguneraniit ullut suliffiit naliginnaat qulit iluanni.